




北
禪
遺
草

一
二

土岐文庫
文庫17
W172
|



文庫 17
W172
1

文 化 四 年 秋 新 鑄

大 典 禪 師 撰

北 禪 遺 草


皇 都 江 都

星 文 堂 青 藜 閣



昭和二十年二月一日贈
土屋吉庵氏寄

010185184576



蕉大師息心之暇。遊戲筆研。而學
之博。古之淵。潤色宗猷。發絢乎詞
章。叢林稱之俊傑。而吾儕欣慕之
尚矣。昔者師以官事來江戶。繫
在吾廬。於是凡知師之學之德者。



北 禪 遺 草

星 文 堂 刻

皆素願示一辭。師不挾官事。而應其索。臨楮操觚。語必流也。爵在後。錄成斯。卷師視。嗟曰。唯塞其責。固吾道之土苴也。何足以錄之哉。世何師示寐矣。名曰北禪遺稿。而借官醫子賀氏手。以正書寫之。終于

帳中。平安書肆星文氏。聞之。介宸上人書。請梓以公之。且使索題之。夫揄揚師美。則前稿諸名家。序既已悉之矣。余也。吾似。復何言哉。乃嘉星文欲速刻之。為書卷。以與之。

文化三年歲次丙寅臘八日

武藏天爵稽首拜撰



Faint bleed-through text from the reverse side of the page.



北禪遺草卷之一

淡海 竺顯常大典 撰

秋卿琢卿向有西遊之約暮春候之山端不至
既而余遊浪華乃邂逅於木氏之堂賦此叙喜
孤錫自從過洞津脩然復會浪華濱仙舟忽泛大江
夕禪榻曾懸小野春松月相逢思如昔薰葭一遡興
逾新知君乞假遊難遠握手逍遙暫得真

秋夜與諸子彥根翫月時在江州肥田

金風白月滿江臯邂逅非關酒以遨萬頃波含蒼霧
靜五層樓接碧空高嚴城寒徹宵闌柝曠野晴分秋

北禪遺草 卷之一 恒菴藏

北極道章 卷十一
後毫回首琵琶多遠興誰能縹緲駕孤舸詩以匪我以無

送島洪卿還江戶

神交千里久傾蓋在何時忽此脩然到非同泛爾知
河山貪勝事書劍緩歸期最是分携處奈吾遲暮悲
四月十九日浣花遨頭辰祭杜工部因有作

濯錦江清繞錦城草堂花逕幾逢迎憂來天地驚人
語老去風塵跨馬行濁酒三杯聊遣興飄蓬萬里苦
關情誰知千古遨頭日手採香芹此薦羹杜詩香芹碧澗羹
松前大夫螭崎世祐名廣年來在京師謁予始遇

世祐善畫頃圖蝦夷酋長十二人丹青妙麗毫

末纖巧展觀驚目賦一律為贈近夷賊寇松前

于我策

日東東極北溟濱誰謂風流有若人林下衣孟少交
結天涯書劍得情親丹青未數江都馬圖書猶思烟
閣臣納欵功勞一十二偏憐異服寫來真杜詩國初

馬神妙獨數江都王又凌烟功臣少顏色將軍下筆開生面

中秋無月壁挂山寺月出圖偶咏

生憎滿空雨三五失佳期搖落千林夕陰蟲四壁悲
幽懷何處寫清影末由隨一幅燈前對孤輪獨自窺

九月十日東山樓上與環中上人集別

離筵此日倚林丘，淵目蕭條萬木秋。
緇客非徒文字飲，紅亭豈是管絃遊。
登高不道佳辰過，惜別猶為薄夜留。
憑檻悵然三載思，白雲明月一悠悠。

九月十三夜偶興

九月十三邀月時，山看野藪一林秋。
隨禪心却似浮雲淡，遮莫長空生影遲。

其二

林苑秋深栗子成，俄聞撲落一聲聲。
兒童相喚提燈去，煨得也堪慰懶生。
用懶贊事

題雲濱秋霽圖

雲濱者若之國都也。酒井氏襲封于此，既歷百有餘歲，實為一方雄藩焉。吾山維明上人若人也，嘗登高臨眺，圖其勝狀，既倩太原生作丹青一卷，余展玩之餘，題以此詩。聞當今國政休明，民物輯寧，而吾山支泐居其治下者為多，因思及之云。

雲濱形勝此堪看，千里岡巒交碧瀾。
社稷一方封建固，民人萬戶政刑寬。
禾收隴畝秋容霽，帆挂渤溟風力寒。
吾道亦逢閑暇日，祇林幾處占清安。

秋杪與維明訪蒼龍和尚宿龍吟之曲室乃

文應上皇嘗為大明國師親執湯藥處事詳舊
記夜坐俱話古昔述懷奉呈俗傳名御藥間

上皇曾此問毘耶尚憶藥爐烟起斜千載遺蹤存法

窟五雲餘彩認天家親操觚管供祇夜頓轉機輪入

那伽是夕剪燈如寓直共談往事感無涯二十二月十日中夜

帝躬把筆研請國師遺偈國師書偈罷使寂

送三宅子德歸備前子德遊學于京屢問余精舍近者將歸鄉及冬初忽

忽來別家在備之津高有山中忽來別家在備之津高有山中

洛城文物足交遊憐爾獨尋祇樹幽世態無端違結
社鄉心向己動悲秋田園此日歸來賦書劍何時客

裡愁求得餘師才可長黃薇山色思悠悠孟子子歸而求之有

向發江戶與聞中別草草書一絕與之是歲十

月聞中入京來問因乞改寫偶次前韻書紙尾

送其東歸

萬里雲山重此尋相逢無恙歲寒心東歸若值同遊
問白髮龍鍾松竹深

園菊正花詰葦整治畦界置床供賞有詩次韻

荒苑踈籬際菊花也自芳胡床承兀坐野膳給枯腸

夕日浮佳色寒風動淨香由來思晚節憐爾後重陽

詰輩展肆床席移厨帳賞菊花以慰老懷二首
林苑逢春小几筵乘暖移尋常無俗到三兩有僧隨
傾度盤食足掇英圃菊滋不綠花下賞晚節奈吾衰

其二

重九三旬過仍憐爛熳花風前依楹立霜後作茅遮
並坐香將襲殘陽色更加誰能尋遠社自得比陶家
仲冬偶問西尾杏菴款待移日尋携過真如後

亭即事三首

杏菴業醫宅
在真如堂前

禪餘偶乘興曉寒不怯侵毳衣衝朔氣鳩杖度空林
東道容交厚南窓寄意深移栽花藥品也識桐君心

其二

老去踈交態病來祗賴君開軒迎邂逅敷座見殷勤
淨膳勞厨給款談忘世紛欲携餘興去未厭翠微曛

其三

七八年前杏菴邀遊斯亭作賦驩娛
爾時相從者或死或散偶爾生感

重来林院望寒色一荒涼萬壑將堆白千林既委黃
舊遊猶主客往事且存亡獨有孤雲意悠然向夕陽

因事偶興

君不見見茫茫百年頃人事枉相關欲論是非去不免
是非間不若萬機總休罷白雲流水任閑閑賢路欲
避無由避老樹來攀曷耐攀自咲比來拙者政營營

徒管東西班鐘鳴漏盡無明日事去事來多阻艱玄
白曾無嘲可解祇應寂寞謝往還重嘆茫茫百年頃
回瞻佛祖復何顏猶記先哲明明道大事因緣重似
山似一絲和尚偈大事因緣重

春生以茶宴見招與維明新州同會實冬至前
三日也席上賦贈

良會何辭老設齋似眾香窓閑還永日爐煖已回陽
久要三冬後清談九陌傍為憐茶菴賞一味屬支郎

辛亥至日諸子為余設宴賦示壁上適挂瓜圖因及
至日年年淨宴開二三法侶此趨陪茗爐香案齋頭

列野款山饋厨下催草堂蕭屑劫災後設席聊羅盤
與杯供我殷勤慰衰朽報云天地一陽回一陽回處
人逾老那及一枝新發梅梅白頭白咲相對遮莫年
華去復來回思往事曷堪論從我者多不及門物換
星移溘然變雲搖雨散何處存徘徊獨有桑榆影晚
節與誰託孤根二三法侶須努力莫將少壯恃朝昏
一時執友誰為益千載遺編自有言先知後知能相
覺達者風流永不謖無教茅茨蹊間塞瓜瓞綿綿可
樂園蹊間茅塞用孟子語

至日宴上送田子禮還長門

北齊書 卷之六
書劍幾年西復東，男兒有志自桑蓬。功名未擬歸田賦，歌曲還看表海風。廬岳休言社難結，鮑家唯待步彌工。松堂此日開筵處，憐爾論交且暫留。

冬日遊鹿苑山池，遂宿焉。翌日赴真如齋，謂行多露，因道平野，即興。蓋有感于時事。

北山路轉南隣寺，野逕縈迂杖屨難。繖嶺臨門宿霧合，紙川遶郭晨霜寒。機心已共鷗羣息，朽質未逢人事寬。一片閑雲自來往，世間違順百無端。

曉雪步憩後亭，偶興示喆子卧病。

乘興吾何去，有誰乘興來。下階雙屐步，倚榻一茶催。

三逕幽無跡，千枝靜作堆。袁安卧難起，授簡那能裁。子承近卜居城中，一日見邀供給。冬至後既過旬矣，瓶插冬菊，因以寄思贈之。

卜居篇復就著處未迷方，交態忘年合劇談。遺世長紅添知幾線，黃發自餘芳不用田園計。琴書九陌傍，杜詩迷方著處家。

正月十一日五更起看喆子病，款談移刻因誦元旦詩，乞潤削天明見雪華爛熳，渠亦開窓稱快率次其韻賦示。

東林驚見雪華天，何減風流授簡筵。病渴稍知多起

色為言藻思日翩翩

二月廿七日早起開戶又雪追懷疇昔不覺悵然因次前韻

何圖白髮哭蒼天總把詞筵作祭筵即遇滿園瓊樹

色賦歌誰復共聯翩瓊樹賦歌聯翩皆用雪賦語

上巳諸徒伸賀有感

桃李依然歲歲新忽逢佳節獨傷神如何兄弟來同處禪室蕭條少一人

鯉魚仰躍圖

清波活潑潑早已動精靈漁人何所慕直欲向冥冥

胡人射獵圖

鞍馬出邏迤蕭蕭秋後色無情那婦人欲墮雙飛翼

老子乘牛圖

函谷一條路那留紫氣痕先天地底物不在五千言

蟹圖

郭索泥間步外剛奈內柔橫戈何處去慎勿向青州

題畫鳩集松枝

子婦未相喚孤松隻影寒輕盈休咲拙且得一枝安

又

瀑布垂丹嶂清溪綠樹迴茅亭獨開處濟勝待誰才

七單貴草

卷之一

八

互卷歲

又

層嶂烟霞色江村四五家漁舟籃已滿歸向夕陽斜
送田生士德還長府時邦君新立學命其父亭
叔為教授生之還亦以其故云

朔平門外約重来老去河梁別未哀知爾漢庭尋舊
典風流莫讓洛陽才禁城北門名朔平門

其二

遠遊不是嘆歸歎正道主恩新命初到日南風絃誦
起已知民物一驩如

慈雲觀音殿新成乞月仙上人畫龍張之仰板

賦此申謝

仙公畫手尤精神寫出蒼龍龍若真披來滿堂生雲
霧頭角崢嶸欲逼人宛轉不知渾幾丈脚踏虛空勢
絕倫此物由來孰見全三停九似法空傳直須筆端
成變化無為徒爾作蠅蚋弗與僧繇稱奇異三昧之
妙得不然世上唯知所翁跡紛紛衆史少爭先別聞
四明僧傳古精絕獨於是技專仙公畫手無不該屢
看品物入圖來此日此圖始刮目一張高向道場開
娑竭羅宮當陽現慈雲法雨遍九垓二句用葉公真龍意○三停自
首至膊膊至腰腰至尾尾似角似鹿頭似駝腹似蜃
鱗似魚爪似鷹掌似虎耳似牛眼似鬼項似蛇○竹

北極道乾
書紀年角視龍猶蝦蟇○曹弗興畫龍點睛飛去○
張僧繇畫龍早曠致雨○明陳所翁以畫龍為世珍
重○宋四明僧傳古者專畫龍名震一時其躍波吟
霧穿石戲珠涌水出洞諸態種種備具當時以為絕
筆出五
雜俎

五日獨坐偶憶去歲此日予客在江戶景先留
守計日以待既而予歸渠病遂成隔世之別矣
節序如流俛仰遷變情不能已

佳節非關異客悲蕭條院落物華移不知續命終何
事白髮空留千丈絲王維九日詩獨在異鄉為異客
每逢佳節倍思親李白詩白髮

三愁似個長

赴嵯峨諸處尋訪六如上人投宿引遊眼根亭

即事

院後巉巖上一亭蹊自成日移松有影風泛竹無聲
禮數忘人事登臨出世情行行能到此方識眼根清

畫梅與管神像對幅

玉骨冰肌自化工風流千古若人同一夜飛梅天錫
句未知雙逕有香通

携諸子遊糾林

老去偏憐過白駒萬緣相逐奈微軀偶隨松竹遊靈
時聊從冠童擬舞雩西日沉林三伏失中流下榻一
塵無自綠山水難知己且要清音爾輩俱必思詩不

此
卷之
一
四
歲

清山有音

以酊環中上人書併詩三首至備叙懷舊之情

以一律酬之歸去年二月與余客江戶五月偕

尺書遙到海天涯應憶煢煢栖舊枝誰料九原生死

別不唯三歲去留悲驛程並馬曾千里客舍聽鶻彼

一時君自東西成羽翼堪憐白髮苦低垂杜詩白頭

垂

送大澤座元還肥之妙解大澤俗姓菅氏為大澤言家長子籍隸大

寺德

秋風俄告去京華却指天涯是我家蓮滿東林社已

散帆懸西海路彌遐清吟未至朱絃絕遠別何堪白

髮嗟翰苑元知稱奕葉法堂更待現曇花

阿波寔禪挂錫備之井山頃聞詰也死悼以七

律三章又贈余一首見慰情與辭至感與謝併

便次韻却寄

憶曾金錫入京城浮世無端離合情千里嗣音尋故

態九原遺愛感騷盟神交將謂朱絃絕哀挽仍傳玉

偈成寂寞林房秋月夜獨憐南海一珠明

子承值先考遠忌設齋見邀壁上掛字先生送

其人還石見詩有感今昔因次其韻以五為七

贈之

洛地春秋幾處遷，栖栖書劍未言旋。行藏寧復懷茲土，生死誰堪哭彼天。歲計曾無二頃入，家方祇有千金傳。追思問字玄亭日，餘澤仍憐不變年。論語君子懷土，韓文

蔚蔚適茲土

岱禪近寓慶雲，九月十三夜邀同二三子集賞

月席上即興贈之

衰老慵人事，且容只尺過林深。秋氣冷，雲散月明多。傾蓋知如故，披襟喜匪他。爾曹不努力，寂寞奈吾何。詩兄弟匪他

九月十三夜懷景先

一歲何圖隔死生，猶思此夜並林情。起步中庭向明月，誰憐瘦影杖頭明。

題東坡像並赤壁二賦圖三幅

烏巾塵尾坐悠然，赤壁壯遊方欲傳。明月清風胸次滿，可知藻思自翩翩。扁舟一葉浮萬頃，洞視古今逸氣騫。重問江山搖落後，孤輪影散步踰躑。丹壑縈紆扶杖底，金波蕩漾揭篷前。縞衣片爾清吟去，何物羽人驚靜眠。二賦風流圖畫上，至今勝迹稱坡仙。

岱子赴慧日山，彙子赴北巖，巖皆奉余命也。

北禪遺集 卷之二
袞袞南去雪蕭蕭况復寒風北路遙衰老偏憐勞爾輩猶言林下且同條

鯉魚圖

奚自赤稍魚當陽活潑潑不須登禹門江海恁麼濶

世界恁麼空濶雲門大師語

壬子季冬立春前一日一枝寮小集分韻幽字

窮節祇林裡一枝不出幽地偏心自遠谷邃友難求梅蕊瓶間媚茶香碗上浮悠然觀世諦遮莫歲華流

詩出于幽谷又不求友生

癸丑元日

鐘漏報三朔未明起老身喘殘牛入曆坐暖虎成茵新殿挑燈處舊爐撥火辰斯須茗粥熟一啜賞芳春

人日過城偶聞籠鶯

霽旭和風不起塵可知人日正宜人一聲黃鳥誰家

曲似報青春向老身

雪梅圖

不妨凝閉候嫩蕊挺孤芳將謂白猶白誰知一段香

春日山行 御題應制

一路郊垌外行行趣更幽暖烟籠岫口旭日射林頭仄逕傍花轉細泉穿草流孤筇無友侶唯聽鳥相求

菅神祭日同賦

梵園二月百花叢丞相祭筵聊此同詩格曾傳白氏
集御題親賞管家風一時嚴譴悲靈璫千載孤忠奉
悶宮應是宰官身得度更言雙逕有禪通靈璫離騷語悶宮魯

頌語宰官身得度出普門品

山中詩社以梅花時待人不至為題各賦皆未
足謂合作因記西行之歌云篤茂穀葛失模覓
跋閣栗捺兒鞞渴鴟獨暱烏咄吉木吟咄鞞屋
立暱骨速郁列譯曰梅花爛熳胡無可交態疎可見韻士
之交人不在意氣而在風流也又記元稹之詩

云花時不到有花院意在尋僧不在花可見方
外之情迴出光景之表也西行之歌主而優者
彼趨勢利而乏韻致者可恥矣元稹之詩客而
厚者彼事般樂而競輕薄者可恥矣余於是作
三絕句一首述西行一首述元稹一首自叙
幽栖地僻謝招尋贏得逍遙物外心唯有庭梅開正
好誰人乘興共清吟

其二

聞道祇園花正多看花日日幾經過幽人別有清真
興不逐春光去問它

其三

新花的樂映欄干春色枝枝漸已闌歲歲自開還自落無情何管有情看

暮春與諸子同遊慈照寺客有携鸚鵡硯至者詩成而用之

青郊過雨鴨河東康樂岡頭興不窮衰老步長扶杖外孱顏吟對倚欄中靈蹤休問金銀氣詩調誰論臺閣風古硯即思鸚鵡賦禪林何必語言工

又題鸚鵡硯紫石長七寸強刻成鸚鵡銜桃枝形中央為研池背有宣和二篆別附真相阿彌價票蓋恐東山公府物云

金桃香稻啄曾入少陵咏分付能言人長者案上靜

杜鸚鵡詩粒唐子西古硯銘硯靜者也

四月十九日與二三子遊隣院之園主人不在玃禪留供給聊擬遨頭之宴賦示

遨頭千古事風雅尚關情看竹雖無主論文却有盟清流雜人語深樹響禽聲少壯非相勵將何慰老生

八月十八日自牧偶作似諸徒昨夜愁無月朝來未齊明人家都祭事禪社且交情林外鼓聲起室中茶味清芭蕉透藩出似使寫詩成九月十日開軒獨坐偶憶辛亥此日以環中上

人將赴津島集別東山之亭而喆子亦從之屈
指已二周環中歸期在近而喆也則亡矣回想
昔遊有感感焉因為口號

東山秋色昔開筵底事空堂此悄然
總道黃花供令日誰知白髮感當年
已經三歲期千里却少一人哀
九泉唯有浮雲觀世相時將片影到軒前

諸禪夜集一枝遙見燈影為賦寄示

道是小齋有相音悉邀淵林松竹雨蕭蕭
為憐窓下含毫處一點秋燈照寂寥

佐伯侯自江戶歸藩便道約會東山之亭俄報

侯途中有疾不能枉過余則欲往偶有是腹稿
不忍舍姑錄之實癸丑九月十一日也

報道東方千騎來風流小隊雅筵開
客中翻躡謝公屐節後仍銜陶令杯
良宴不關絲管賞淨供祇許鉢

盂陪登樓不用愁非土即見錦帆千里回

非土出王粲登樓賦

真珠精舍見邀邂逅供給勤至即事賦申謝院
藏宋畫六祖大師像始得瞻拜膳設餐舖乃當
山法製云併及之

紫野精藍城北隅孤筇且喜不脩途
禪栖曾認高僧跡妙畫兼傳曩祖圖
餅擬雲門珍可賞茶同趙老味

元殊非緣投兮容衰朽那得遨遊物外俱

蒼龍席上邂逅天瑞力生看其秋夜寓懷作次韻奉贈情見于詩實癸丑十月廿一日也

玄談恰似對彈琴流水高山徽外音祇合因緣力輔教休將用舍徒勞心三冬文史禪餘閱百歲交情社裡深長向祇林期碩大不同榆景欲西沉

携仗鋸二子遊慈照寺訪愚公即興有感時事世路何多梗老來心自休孤筇扶我轉叢樹待人幽細水巖頭落淡雲嶺上浮忘年同衲子移席得淹留至日諸子為余設筵席上賦示

老來慵百事強起應開筵肴膳供佳節巾瓶異昔年浮生都逝矣衰質且依然一線宜相愛毋令徒爾遷自牧小集送岱禪暫歸美濃兼示諸子

金錫脩然去非關故土愁寒霜雙樹曉朔吹大湖流絳鉢途中用緇衣物外遊同袍俱習學異域忽離憂並坐忘賓主吟詩感去留人情多所梗心契孰為儔自是真乘要豈徒奇字求應追千古遠不事一時浮白髮吾將廢青春爾那休鶯花看在此重此好相酬

題慈照寺圖

東山勝槩敞池臺梵宇清寥珠樹迴相君遺愛千秋

後仍使丹青到處開

重送岱上座近二三衲侶就上座講學故及之
柳條將縮重盤桓山驛東連風雪寒道是浮生從聚
散誰知垂老別偏難垂老別見少陵詩題

其二

一衲飄然去住輕仍憐松竹歲寒情春風遲日祗林
會莫使支郎違舊盟

山水圖

千巖萬樹幾縈迴無限溪山只尺開絕境知難招隱
得寥寥不見一人來

雪梅圖

玉蕊開疎木瑤華滿糾枝孤芳歲寒底一段没人知

甲寅歲首口號

殘喘不期曆日新仍逢風力轉孤身相看唯有梅花
面七十六回一樣春

其二

人間變態眼前移且見年華不負期自牧齋頭茶正
熟依然一片淡生涯

其三

香案蒲團坐曉更東林旭影入窓明不知春鳥求何

友白髮空餘幽獨情

正月二十六日又雪

四境陽當洽若為冬令行六出寒梅後一齊冷蕊明
谷鶯猶未至春服幾時成只好幽人興尚餘剡曲情
同六如上人春寒悼梅花

冬暖花咸簇春寒却自傷生憎連日雪天札滿枝芳
誰筮冰魂與空銷玉骨亡更愁梅雨後樹樹少成黃

子濟向以伊蒲招予老懶不應一日東福歸途
過訪屬有茶宴餘興見留供給備至率賦申謝
老無藉在負將迎踈放且容一老生何料還成不招

客多君特為罄交情林不招客易語禪

壁掛竹筒插花賞觀筒乃茶博士數內子所截
以贈題曰九臯鳴鶴亦率爾為咏

道是九臯鶴一鳴大音應識本希聲瓶頭春色齋頭
興秉燭細看紅白明大音希聲老子語

大原雲卿近寓居河東號以墨齋因贈之

子墨卿居鴨水東冷然風致復誰同有時適與毛生
會無限雲山意匠中

老人集讌山中圖

嘉遯遺浮世百年終一丘青茵坐自穩白首情俱幽

此輩遺韓

卷之一

七

五五
卷之二

野膳消春晝，山榭汲澗流。烟霞千嶂際，餘興且何休。
宿鹿苑寺

夜話不知山月生，俄臨衾枕起吟行。倚欄寂寂千松影，一片銀蟾波底明。

依韻酬崇福曇榮上人見寄

博多綸之
贈句中及綸之

久矣相思相遇難，春風雁字下雲端。開絨錦繡段無贈，掩室木綿裘自安。一世詞篇多異曲，百年松月隔同歡。回頭麗藻唯君在，千里投來子細看。

過榮禪寓居即事贈之

雨後蓬蒿逕興來，步屨遲白頭。違舊好青眼，喜新知。

爐上唯山茗，盤中且露葵。為憐離憤開，松竹此相隨。

吉孔夸遊大和飛鳥獲，古碕瓦蓋淨見原宮物。既過千載破碎磨剋自然為峰巒礪壑狀奇古不可言，因以花頭為底就裡面彫硯尤為雅玩為題短句。

飛鳥千年跡一池，趣轉幽連峰欲涵影落澗或通流。

垂櫻孤禽圖

嫩蕊滿條條盡垂，輕盈未數綠楊絲。孤禽不是嚶鳴意，占得春光在一枝。

張子房讚

一扶起四百年劉蓋代功名無匹傳奇策世傳黃石
法逸懷誰識赤松遊

箱根望富士

行登箱嶺三十里更向雲間望富士影落蘆湖萬頃
中併將孤月在寒水

八月十四夜宿金川驛海亭看月

西來絳鉢千山隔南望滄波萬里開忽訝一輪超海
至還同八月泛槎回也言老子興非淺肯比詞人賦
可裁即使加沙走王事孤圓心照轉悠哉八月泛槎
出博物志

老子興不淺度亮語詞人賦謂謝莊月
賦○盤山和尚偈心月孤圓光吞萬像

洪卿久不相聞甲寅八月余又奉命來江戶
邂逅旅館備見款情問其歲四十三云賦此誌
喜

風塵萬里奈緇衣且喜社中人未違應道叔齊何念
鷺還容伯玉已知非行尋舍館身難定老過關門氣
自微幸遇爾曹為主好不同秋燕罷巢歸舍館定為
主並用孟

江戶舍於履仁氏殷勤見待卒賦申謝

豈料東林客來投彭澤家掃門迎杖錫下榻置袈裟
秋落宅邊柳露含籬畔花相逢皆保社足慰老生涯

余舍履仁氏彌月千賀兄弟日執業往來伯寧
有詩見贈次韻酬之

文社暫投老藝壇寧好師青衿受業志玉樹生堦姿
日為同人愒秋非異土悲相逢雲月與搦管思遲遲
孟子○人之患在好為師

仲用亦見贈一絕次韻為酬

白頭相遇可憐哉慚愧流年去不回妙道由來無所

照待君明月向人開可憐哉莊子語

次韻酬丹羽大郁見贈大郁生江戶去在近江
近復寓履仁門下與余得朝夕焉

負笈還茲土學文得所隨詞篇遊藝處典籍惜陰時
萍梗緣聊合蓮花社此移自知交態厚未敢告歸期
廣子彰周旋舍館贈以一絕次韻酬之

東海文章郁郁興慚將方外受人稱由來詩味同禪
味期爾詞篇比上乘

橘君樹見招履仁洪卿同之席上即事

只尺閑園久不迎茲辰灑掃見君情玄談既慣朝昏
會禪坐初逢几席清筵列盃盤俱永日床披圖畫且
論名秋風未落門前柳留客蕭蕭送雨聲

九日與諸子泛舟角田河分韻得娛字

少長相携興不孤，休言遠客少歡娛。秋風鼓柁冷然去，誰復登高望故都。

其二

桂櫂之遊洛地無何圖，此日此相娛。蓬窓也適杯盤興不謝，登高插紫萸。

甲寅九月過金澤，濃見堂眺望還藉畫手圖之。金澤景光為八題，紺園望况幾千狀，一時勝迹過車中，百歲卧遊存壁上。

莊子夢蝶圖

周為蝶也，蝶為周，宇宙都來一枕頭。何處鐘聲春雨

後湫園花落，夕陽收。

列子御風圖

一舉冷然西復東，披襟誰數大王雄。人間萬事榮將辱，頓使清風拂得空。

季子挂劍圖

一言不發感何深，曷以存亡而貳心。萬古明誠如皦日，可知方寸重千金。

和歌浦古松圖

翁鬱梢頭拄霄漢，糾紛樹底露風沙。自緣千載根株固，彌見百尋枝葉遮。

北禪遺草卷之一

北禪遺草卷之二

淡海 竺顯常大典 撰

九月十三夜與履仁登君樹樓賞月同賦是日

用湯餅芋栗青豆為玩月之賞

良夜風流異域筵盤盛芋栗也堪憐烏雲忽碍樓頭望兔影俄開檻外懸盈缺看遷千里地炎涼坐換九秋天論交幾歲人無恙一夕清吟把袂前

山水圖

二老相携往舟裝曲岸頭前涯許多屋乘興一過不題多賀城碑本謝前君敬見贈

多賀城碑本為世雅賞近多模本動迷真偽甲寅
之歲仙臺侯特命藤塚雅樂者搦成數本極為工
密其弟君敬得一本遺我喜而賦之且寓尚古之
懷云

一片空留萬古城猶看若木向西明劍門未數詞臣
勒銅柱仍思宿將情朝列庶官名自正地開荒服令
而行不勞摩挲苦相認坐使遊觀屬老生劉長卿詩
石萬古在燕山○碑首
有西一字第二句及之

洪卿見邀與諸子泛舟角田留宴石濱里之亭
分韻得篙字

滉漾滄波命一篙佳期何得使君勞行厨仍送城中
味淨膳還同社裏曹石里亭幽無俗到隅田酒熟有
禪逃更逢片雨催詩至流水不妨入曲高杜子美舟
頭上黑應
是雨催詩

醉李白圖

漫著朝衣醉未醒長安市上任吟嬾謫仙若許歸天
上好轉長庚作酒星李母夢長庚星入懷而生太白
李詩天如不愛酒酒星不在天

寄題南部平野氏梅園

清芳自保歲寒姿朔雪任它長擁枝春至不群桃李
色千株素艷滿園宜

寄題南部牧田氏嘯園

萬竿蒼翠賁丘園，一室圖書堪避喧。蕭颯清風明月夕，人疑長嘯起蘇門。

源東江來禽堂見招佳供，與諸客分韻得清字。庭植來禽，辟靠張琴所貯墨帖，文具展玩尤娛。有鳳池研者古雅，不可言俱及之。

西客初容識東江，久熟名高齋開淨膳。雅玩愜幽情，嘉樹帖中色素琴絃外聲。興來將染翰，還愧鳳池清。

嘉樹出左傳十七帖中有來禽語

洪卿携遊上野設席山王祠後與諸子觀楓

青女染紅葉為停，遠客車晚含山閣。日晴映海天霞珠，樹交陰淨翠苔受影斜。多君引金錫慰此旅情遐，次詣秋田侯林園。洪卿與守者私得肆筵飲饌，忻然賦之。

名都邸第列諸侯，誰料林泉卜地幽。顧氏園容詞客借，習家池異酒徒遊。松圍屋宇翠陰合，楓曝夕陽紅影浮。為是親朋携逸興，頓令衰朽散羈愁。

文龜衲子曩入京，從余遊與余前後還。江戶居谷中，青雲寺且未聞問。是日試使探尋，即路所經處欣然走出，相遇遂約邀投宿。與侯園實只

尺矣遊豫恣賞不顧日落有此口號

為愛紅楓宜夕陽興來不覺坐逾長休言杖錫歸程遠欲去鄰房借一床

贈文龜

輦寺交遊日相過百年離合感偏多萍水詎圖成邂逅林叢復似向嵯峨龜在京屢老去風騷猶好在別來詞藻問如何堪慰紅塵滯緇衲一宵衾枕此巖阿

宿青雲寺示龜禪

勝遊真日暮即里名何幸得相迎進逢開初地疲如入化城青燈談往事白髮寄殘生中夜清鐘徹迴離街

市情

千賀翁設主人讌集伯寧兄弟請分韻賦詩余得鳴字

交態真如故那言蓋始傾披襟復此會設席何為情樂事非關俗劇談翻入清風流伯將仲欲以填篋鳴過洪卿檢唐詩集壁挂明顧太初書七言律詩漫用其韻贈之值洪卿用名取河沈材製小硯見遺併申謝意

江城咫尺喜同群幾載天涯空憶君敢道東平勞命駕恰逢彭澤賦停雲芸窓靜檢名賢句筆陣足張才

子軍更得沈材堪不朽彫成為欲副斯文韓文詩成使其寫亦

題谷文晁畫山水大幅

不知何處境咫尺望悠哉山挂丹霄出水通碧漢迴風帆縹緲去梵刹峻嶒開更待幽人到孤亭岸樹隈宿濟松寺書懷贈謙堂上人

衰殘端合掩柴荆千里關山復此行欲向禪棲投杖錫其如公事走都城徘徊幾日塵中跡邂逅今宵物外情話到叢林隨世諦祗期表刹賴君清余每來江寺心跡俱適但往來公事僻遠不便以故今般館在濱街三四正謂此

高橋叟以駕見邀設饌豐甘備罄歡晤賦即事

申謝實十一月十二日也高橋名元吉字文問南部人壁挂漁樵問

圖略

耆舊情親誰復如安車邀我到堦除佳筵頻致中厨羨曲室偏知外事虛逸態論交共緇素清談遺世入樵漁風流醞藉杯盤際已覺一陽將復初杜詩相邀堦除

寄谷文晁在白河

千里奉公馬首東白河關外向秋風山川寫入丹青手濟勝知君具不空

圓通力生引遊郡山侯林園卒題短句偶看先
公見贈力生之篇雅尚可思因次其韻

為問名園路不嫌寒日陰
黃緣追勝事遊攬遺羈心
池抱園巒廣逕穿巖樹深
平泉休漫比百世絕浮沈
詣金地院雪岡陽峰二上人
引過寮頭供給款
至因書即事

清齋留遠客半日足遊遨云是禪流會不關公事勞
芳羞慰榆景茶鼎起松濤君輩風騷思詩歌莫惜高
過成倩樓樓臨不忍池

雲衣異域外水檻同人前
千蓋荷咸破一株松獨懸

新知都下足舊好眼中偏
不藉交歡厚往還向那邊

甲寅仲冬廿八日小至江戶諸彦欲為余稱壽
值有公事不克延在閨二日設宴見供且各有
佳什席上口號申謝

雲袍千里滯城闈翻遇綺筵屬令辰
不獨杯盤足甘
臙唱來風雅幾篇新

其二

一陽三日似回春
白社歡同少長人
遮莫形容吾獨
老天涯緇素得情親

長春花圖為恒菴題

春色連三序轉看壁上明一菴長相對恰好以恒名
走筆謝慈仙上人畫梅見贈

一幅剡藤墨色深也知無恙歲寒心冰姿雪魄長相
對驛使何須遠寄音

舜耕歷山圖

歷山耕稼日辛苦實堪思玄德升聞處至尊自至卑

題畫

漁翁携小子輟棹踞蓬前撈獲知多少歸將充酒錢
雪夜講會伯寧仲用携醴見饋漫賦

一室寒燈講習前霏霏雨雪拍窓連程門君學游揚

坐鰲店吾慚存齋禪甘醴偏因穆生設芳茶未用趙
州煎江濱無意勞乘興為爾堪吟招隱篇

兩國客舍上樓偶作

五十年来重此遊孤筇扶老上紅樓萬尋雪嶽臨斜
日千尺虹橋卧浩流人馬駢闐仕宦路市廛雜遝昇
平秋悠悠身世滄波際獨許顛毛似白鷗

畫猫

幾多五技總遭擒看爾爪牙機一深千古却思相乳
事也知化育自天心荀子勸學蟻蛇無足而飛鼯鼠
五技而窮相乳事見韓文

病起立春示悅保二子

曈曈旭日射窓明，稍覺衾裯四體輕。
人道寒梅花盡發，郊原或及曳筇行。

其二

山關振策度秋風，客裡無端歲已終。
一片身雲無望礙，野梅官柳興還同。

其三

三衣從我未能還，歲事推遷街市間。
但使禪心無適莫，春風何處不家山。

題雪梅月梅雙幅

孤標何皎潔，憐獨先群花。素艷含陰魄，寒英襯雪華。

衰來香馥烈，寫得影橫斜。壁上留春色，風流屬爾家。

除夕諸子分韻賦詩卒題贈示

緇衲猶千里，白頭又一年。公門雖少暇，朋社且多緣。
比屋催春事，寓居怡老禪。殘更惜將盡，剪燭共成篇。
乙卯春初東村梅花盛開，履仁與一二緇素往觀，將欲拉余同行，而余不能也。過後以其詩見示，次韻。

示次韻

人間多歲事，憐爾獨幽尋。江掉無勞杖，村醪好滌襟。
清香隨緩步，嫩蕊入新吟。為對千枝白，偏高郢雪音。
歲首寓恒菴樓即事

袈裟樓上住，似是道仙居。病後除殘髮，客中著弊裾。
三元開曆處，一句試毫初。東牖受遲日，春風坐湛如。
次韻悅巖歲首作

萬里同為客，都城及歲新。王風元化育，陽德正彌綸。
烟柳街頭曉，齋盂物外春。禪餘歌雅調，異土且相親。
余寓恒菴樓上，孟春二日保禪早開東窓見隣園梅花盛發，有作卒次其韻。

城頭春晚送疎鐘，起啟閑窓宿靄重。荒宅花開少人賞，翻看清興入詩濃。

畫虎 朝鮮人筆

一箇威獰寫得真，海天遙想嘯聲頻。可知君子東方國，不使凡牙來通人。

人日詣官府途中作

白頭千里任年移，人日恰逢晴日遲。共見烟花開第宅，獨憐春鳥泛城池。

次韻恕公醫丈 見贈 恕公名忠 姓目黑

蓮花時問社杏樹，日成林離合人間。路行葺物外，心
生非關賣藥隱。豈用抽簪老去無詞藻，感君交態深。
上元夜與履仁及二徒兩國橋畔看月

烟浪一川廣，長橋二國分。良宵俱起步，遠客未離群。

春興心無負市謳耳不聞唯看天涯月淡影滿河濱

過秉德上樓消日偶興

久客乘閑聊此期滿城雲合雨如絲無情最是樓頭柳未道春風送別時

大郁贈華製朱錠卒賦謝之

萬里南天來孔陽風流贈我意何長西歸深鎖碧窓日滴露點看知幾章

詩我朱孔陽高駢詩洞門深鎖碧窓寒滴露研朱點周易

乙卯改歲在履仁宅瓶插柳條日見滋翠因手自穿植庭隅卒咏呈主人

餅中嫩色稍能深移向柴桑三逕陰不道金城十圍

感莫忘惠遠社中心

金城十圍晉桓溫事

次韻蕭茂隱上人見贈

老去祗應住紺林都城留滯傍河潯孤筇懶起塵中跡半偈忻聞剗外音日暮碧雲含月迴春風紫野想花深異鄉且得同流在為問方袍一片心

將歸洛寺諸彥消日借青地氏別業作餞席上賦別

天涯未遽嘆歸歟少長開筵驩有餘朋社祗容携手去公門詎羨鞠躬如荒村日永桑榆影舊院春深松竹居不是柳條能繫別百年交態好躊躇

其二

衰老人扶行止難佳期聊得引盤桓杖頭野逕衝泥
怯軒外晴池並座寬林樹風生春尚淺芙蓉影落雪
翻寒一時郢曲君休惜苦道清音別後殘

對馬侯箕輪別業見邀遊即事

不妨陰雲合籃輿慰遠人林幽開勝槩地僻絕囂塵
喬木臺池舊雅筵銷饒新策杖逢石丈芳絢識花神
乍霽乘輕艇閑遊渡曲濱何須言後樂唯願與偕民
宅有盲石者彫成頗工間有靈異云莊子師曠之枝
策石丈米元章事末以時事寓意爾後樂用范希文
語與偕樂
用孟子語

雪中山水圖

千巖萬壑一皚皚皎似當空月影開無處扁舟乘興
去獨携藜杖思悠哉

藤井丈人邀遊三谷氏別業因成儲待宴賞終

日漫書即事

園林有佳稱十里泝洄尋藜杖過橋入叢篁繞逕深
誰圖城市邇曾少塹埃侵樹密風笙起日閑鶯友吟
濃茶供室內細草步庭陰交態雖傾蓋羈愁乍解襟
法緣聞在昔禪悅復當今六味頻相給留歡到夕沈

題三谷氏大石盤

淨塔旁礪巨形開知是萬牛挽得回托出盈冲一泓
水瑩神何待鏡當臺旁礪廣被也司馬相如書旁礪
四塞杜詩萬牛回首丘山重老
詩子大盈如冲其用不窮左思
前有寒泉井聊可瑩心神

次韻藤井士與見贈為別

江城看月幾回圓衲跡還同不繫船方外相逢存目
擊休將渭北怨春天

橘氏樓上咏辛夷花有憶輞川塢上景

木末芙蓉正十分風吹白雪映春雲不論礪戶無人
境閑向樓前滿樹芬

佛菴齋頭用古松輪困者斲令圓而柱之大數

圍木理盤旋亦奇賞也偶題

一株文理密磨琢轉分明中立齋居裡歲寒也結盟
文理密察中立
不倚並中庸語

二月廿三日夜夢遇一僧自言恒念觀世音因
曰吾嘗覽公遊高雄山記而已識公亦為風塵
之客今果如是幸公勿以才學誇人哉傍人皆
訝其不遜余獨心服而深愧之覺猶宛然蓋余
十八歲遊高雄觀楓作記有論山林之高士風
塵之凡僧今不復記持而忽入夢中吁亦奇矣
紀以為戒戲有口號

道是東山遂意難無功無德歲彌闌遠志徒慚為小
草春來滿徑孰堪看東山之志不遂遠志
小草並謝安故事

三月二日履仁洪卿携遊隅田觀櫻花旋憇石
濱之亭飲讌即事三首

緇素論交處每遊清雅同輕舸離近港遲日對遙空
花笑羈愁外鷗隨浪跡中行行入佳境逸趣坐何窮

其二

曲岸維舟上千株爛作行雪陰籠路映風氣襲人香
掛錫情雖倦浮杯興屢長回思昔遊處爭若此春光

其三

不待重三禊乘晴泝碧流濃花迎老秃嫩蕊解羈愁
勸酒非關罰賦詩好互酬何須嘆陳跡勝會此相留

陳迹見蘭亭記唐人三月五日泛
湖詩從今留勝會誰見畫蘭亭

四日洪卿邀遊飛鳥王子諸地遂留歡溪亭即
事二首

佳節携餘興春遊復此期高原開遠嶽芳樹擁深祠
嫩蘩霞披映淡香風度隨千株遺愛在仍撫峴山碑

其二

滿目逢花罷暫留到日傾紅亭臨水敞綺席映流清
新詩座上韻異味盤中羹芳時足行樂誰與凭騷盟

城北飛鳥岡以櫻花名五十年前余始來江戶
近以公事召至者數而終未往寅卯冬春之
交滯在都下洪卿苦勸往觀越三月四日命駕
過日暮青雲寺與履仁洪卿會遂遊覽岡上詣
王子祠院處處遊賞洪卿命一亭供給款至蓋
東來一娛事也雜詞叙懷贈二生

三月四郊春正融幾人尋花西復東上巳之前乘雨
霽湖洄一棹隅川通岸上千株花成列飽看濃艷映
春空歸來逸興曷其已無端佳節雨濛濛忽遇鳥生
復相約明朝西去探芳叢不用流觴與脩禊節前節

後賞且同便將篋輿代蓬蓋已罷川上向山中山中
春滿護山櫻勝槩昔聞飛鳥名高原豁達恣四望尚
眼烟花使我驚板橋三四轉幽闥步過靈祠入化城
芳樹葱蘢花爛熳杖藜到處興縱橫別有茅亭臨水
好殷勤引我倚檐楹山海珍饈列盤饌留歡不覺日
俄傾常嗟衰老淹官事何幸教遊遣旅情見說

君王獵金原滿城人士傳更喧鞍馬騰驤千萬匹郊
原百里人如垣共仰昇平仍講武却容幽賞我曹存
二子颺流好文雅每逢勝境役吟魂不向世間樂遊
托偏從方外共討論客中心事有如此何用惆悵戀

北社遺詩 卷之三 十一
鄉園金環去住春將夏白社往還朝復昏別後天涯
能相憶松筠投老掩空門

履仁洪卿頻設飲餞送余西歸各有詩情與舞
至賦一律酬之伯寧亦來陪云

江城雖久住分手太匆匆樓設青蓮座社推白髮翁
盃行悲遠別詩就揖高風少壯君曹在斯文幸不空

自江戶還京取道甲斐洪卿隨送兼欲觀諏訪
湖行且吟哦賦一律酬之

西向介賓攬壯遊故人携手緩離愁一程路轉蒼林
雨千畝烟迷綠麥秋自比羊公愛山水還慚郭令逐

風流行過諏訪逢佳景勝事兼將別思酬風土記甲
賓

宿初雁驛偶作

雁里今無鴈花崎詎有花倦程泥濘路問宿草茅家
歸策雲千里故園天一涯唯憐山水好往往欲停車
洪卿自韭崎枉尋勝賴城跡歸話其事賦贈

詞客多慷慨紆塗弔古場戰圖千載恨霸業一朝亡
蒼樹迷遺壘黃泥認見糧祇宜名嶽望入爾賦中長
軍糧篝火者拾
數十粒視我

諏訪驛與洪卿別寫情

憐爾相追川陸來，應思垂老別難裁。
風流不獨登高賦，跋涉兼知濟勝才。
崖架猿槁千尺俯，雪裝駒嶽萬尋開。
無端馬首東西去，望斷湖山杳靄隈。

留驛一日諸子分韻與洪卿為別，余得雲字適
洪卿命舟遨遊湖上。

百年交態惜離羣，行歷三州同曉曛。
何事一朝隔言笑，東關西路萬重雲。

其二

東關西路萬重雲，金錫青袍從此分。
猶道扁舟餘勝事，離歌更入棹歌聞。

舟中咏所見仍依前韻

平湖一面水成紋，倒影芙蓉雪色分。
兩地親朋若相問，好令此景此遊聞。

赤坂驛使晟侍過慈溪寺代候岱禪相携來
邂逅途中遂送至柏原同宿賦此贈之

悠悠心迹任西東，百歲津梁疲未窮。
寶刹空違官道外，金錫忽逢驛亭中。
三衣珠繫猶無恙，九夏蒲團定有功。
更約清秋松月夕，北禪來問白頭翁。

寄題丹後天橋書與小西伯熙

海上名區世所稀，老來金錫末由飛。
青松碧浪高秋

夕遙想龍燈一點微

乙卯重九環中上人邀登高臺寺山閣設宴
幾載天涯睽別情衰殘何幸復尋盟更逢設席酬佳
節占得高臺俯洛城

其二

鷲峰秋色倚崔嵬四塞山河一望開別有靈湯供般
若不論幾處菊花杯

其三

舊苑荒涼扶杖過百年人事感偏多仍餘山閣存形
勝佳節相邀足詠歌

其四

白雲西望夕將沈綺席留連興轉深不擬登高能作
賦解言山水有清音

山水四時圖

花紅柳綠好遨遊橋上鞍韉水上舟別有高樓臨激
灩也須相待共風流

其二

千巖松桂鬱蒼蒼獨坐茅齋日正長應有相招來隱
士一庭淨掃素琴牀

其三

北山遺集

卷之二

十一

恆菴藏

黃葉紅楓處處稠，林巒狂得映高秋。不知何去多佳趣，遙指烟霞路未休。

其四

山陰一夜雪成堆，四望皓然明鏡臺。何必扁舟乘興去，吟鞍恰好涉崔嵬。

九月二十四日過慈照寺，問吉孔夸，不遇新州上人，見留供給，是日即村民社會云。

為愛阿蘭若，每來興轉深。紅楓媚夕霽，碧水澄秋陰。茶熟禪齋味，鼓聞村社音。淹留多逸趣，何恨負招尋。即宗力生折通天，搗紅楓見贈，加以樹具多品。

卒賦二首奉謝殷勤

寶地三橋俯碧流，千株紅葉媚高秋。多君遠寄爛斑色，慰得衰躬負勝遊。

其二

豈惟錦繡段相投，法喜之充知幾羞。不藉靈湯開般若，幽襟何以報風流。

携諸子後亭觀殘楓，適觀景先曾題壁上，慨然次其韻。

屋後聊開席，綵無賓客迎。乘閑雖適意，懷舊却傷情。荒蘚林中跡，幽禽竹外聲。紅楓已凋落，索莫坐柴荆。

酬江戶諸子見懷之作

名都人士幾風流多爾斯文事唱酬不問金臺清世
築翻為玉案遠方投緇林老去羞初服白社歸來戀
舊遊聞道紅花換紅葉莫將離會起遙愁

早春自牧內集

餘寒何料峭無處賞春華凍影窓前月夜光瓶裡花
忘年從爾輩投老向誰家保社休徒負吾生近有涯

題畫

一望林巒媚風霜染萬株村村秋已歛料識幾新蕩

其二

溪山多勝槩詞客集茅亭更好尋春事孤舟繫柳江

贈虎洲法橋卜居街上

清時簪紱奈君何未得考槃共在阿為是丹青應心
手毫端山水卧遊多

遊世繼氏白河山莊時余有東府之名將發

老來無奈世塵何整爾投閑向澗阿褻服誰疑野外
步瘦筇那假輿中過泉生巖罅盈甌潔竈傍松根調
菜多近日河山千里客不須祖帳去求他

先是有約值雨不果有倭歌見寄因次其礎

東山向值雨淋淋有約未由謝屐尋此日林巒好晴

景喜君空谷待楚音

丙辰三月被召赴江戶途中叙事十三首

萬里關山奔命頻無端又背洛城春都來得喪何
須管判取殘年付世塵

其二

青春懷昔浮琴水白髮慚今過鏡山山水能知塵外
意行行總是一彈間

其三

偶折櫻花轎裏隨小筒春色日離披京華幾處人爭
賞誰識蕭條對一枝

其四

征車路轉二籠間曲曲溪涯往若還勝迹豈無投老
好此行慚異買青山二籠謂妻籠馬籠

其五

萬古胞衣帶雪寒瑤華三月綴墳岫遠遊將謂多春
事却折一枝梅蕊殘胞衣處俗傳藏天照大神胞衣處

其六

疾風迅雨動山村夜聲誰令霹靂奔旅食行裝留不
得已聞櫪馬在門喧宿塩尻風雨且雷強裝

其七

林巒東去曉冥冥，
聒聒溪泉暗自聽。
行過坂程天始霽，
忽看朝日挂茅亭。

其八

諏訪湖開入昔遊，
滄波離思共悠悠。
公程非復扁舟興，
不問芙蓉影更浮。
去歲歸洛洪卿送到此因留一日泛舟湖上觀富士山影水面

其九

丹崖碧水畫圖中，
客子逢晴途不窮。
隴阪縈迴五十里，
肩輿去欲駕青空。

其十

巉巖一片夕陽懸，
轉覺寒風透木綿。
四有峰巒含宿雪，
一無花鳥媚春天。

其十一

百里驛程泥濘深，
笠檐簑袂雨淋淋。
役夫嘔啞夷歌起，
一曲堪憐斥苦心。
斥苦出莊子

其十二

衰老敢道獨賢勞，
白首龍鍾一毳袍。
蕭散猶如雲水客，
清齋到處薦溪毛。
獨賢勞出國風

其十三

百歲萍蹤心自孤，
籃輿日日坐團蒲。
休言去住天涯

北禪遺草卷之二
異殺鬼相追何處無

踰和田山咏殘雪

忽驚山頂雪華殘正屬人間春事闌恰似宿雲埋絕
壑乍疑瀑水挂層巒千巘猶想惠連賦一掬聊同蘇
武食更見蓼科最高處稜稜氣勢透肌寒千巖用惠連雪賦語

北禪遺草卷之二

